

靜海縣志 卯集

土地部

物產志

穀屬

蔬屬

野蔬

果屬

蕨屬

木屬

花屬

草屬

藥屬

禽屬

獸屬

魚屬

介屬

蟲屬

害虫
害苗虫

貨食

家庭手工

民營工業

靜海縣志

卯集

土地部

一

靜海縣志

土地部

物產志

昔者禹貢詳物品周書備土宜人世所知儘多蕃殖近日新學大進動植礦物無廢用固液氣體之遁形以故國貨鄉珍土宜特產不徒爲厚生利用亦研究科學之輔助也志物產

附近閱某縣志將物產分爲需要科隨意科天然科三類似乎科學化但物產之隆替因人之進化爲轉移譬有一物本係天然科而人好用之者多則一變而爲需要科更有在甲省爲隨意科者在乙省則爲需要科本無定評故

靜海縣志

卯集

土地部

二

靜海縣志書局
天津文竹齋印

不敢加以限制也

穀屬 穀善也植物可供民食者皆曰穀五穀者曰懸曰蔓曰穗曰筴曰根懸如梨果蔓如瓜類穗如麥黍莢如菽落花生根如芋類見理數合解五穀豐登者凡食物皆收也

麥 來也熟有准期故曰來大者來小者牟詩曰貽我來牟秋種夏熟曰小麥春種夏熟曰春麥又有米大麥芒大麥米大麥可作米飯芒大麥可作糖小麥陳者其麵補性最佳菽 卽豆子有青黃赤白黑各色科學家云豆汁之補性勝於牛乳此外有豇豆豌豆小豆蠶豆菜豆赤小豆綠豆各種

綠豆可作澱粉煮食可消暑去熱食品最要者赤小豆去大腸毒作餡最好

穀 俗乎穀子有黃白各種米曰小米性甘寒養料最富春秋說題辭曰穀凡五變一變爲苗二變爲禾三變爲秀四變爲粟五變爲米可食苗似黍稷同類也

蜀秫 俗名高糧有紅白兩種紅者作酒白者如粳

玉蜀秫 俗名棒子又名玉米長江一帶名包穀有黃白兩種吾鄉食品之最普通者

稷 俗名糜子種類不一春種秋收形與穀同亦佔食品重要之一說文曰稷繼也又謂之粟

靜海縣志

卯集 土地部

三

靜海縣志書局
天津文竹齋印

黍 狀類稷而性黏作酒名元酒食時糝棗或糖方易消化說文曰以大暑種故謂之黍

芝蔴 卽胡蔴趙石勒忌胡字改爲芝能作油最美食品之精貴者又按胡蔴另一種

菽麥 晚種能收食品中之特殊接濟非五六月之間早鮮有種者食之消化遲

稻 俗名大米書曰水母佔全世界食品十之五六惜吾鄉乏水利故鮮收穫然地宜稻其味遠勝江南此外有旱稻味亦美近日方試種禾有九穗曰嘉禾禾稻也

落花生 有大小兩種用作油零食爲多銷路廣

稗 有水旱兩種水曰稻稗旱曰家稗忌蒼子油俗云蒼子油
稗子麵吃了就入殮

蘆穠 卽高粱甘蔗多供小兒生爵可作糖

靜海縣志

卯集 土部

四

靜海縣志書局
天津文竹齋印

統計穀類產量比較表

種類	產量	備考
麥	百分之三十	小麥多
蜀秫	百分之二十五	即高糧
菽	百分之十四	大豆多
玉屬秫	百分之十二	書名包穀俗名棒子
穀	百分之九	俗名穀子
黍	百分之四	暑日可種故曰黍
稷	百分之四	俗名糜子

靜海縣志

卯集 土地部

五

靜海縣志書局
天津文竹齋印

芝麻	百分之一、五	非胡麻
稻	無定	泛水年種
稗	同上	泛水年種
菽麥	同上	非先旱不種
山芋	百分之〇一	沿運河及西鄉多
土豆	百分之〇二	沿河多淡食佐食均可
打瓜	百分之〇二	西鄉種者多取其子
附記	以上按常年統計際香瓜棉花落花生麻等外以百分法統計之	

蔬屬

蔬菜佔食品重要部分靜邑所產既多且美供過於求無需界外輸入亦天然富源也詩旨蓄禦冬禮見韭納蒜詩烹葵及菘皆蔬類也

菘 卽白菜爾雅山大而高菘書云松柏後凋菘與鬆同音故其名爲菘其體質必高大且耐寒能久而其味鬆活適口較他菜爲優也故俗云白菜不如白菜昔周顛稱鄉味之美春初早韭秋末晚菘是也味美而食久運河沿岸產者最良

韭 韭字像形係艸類可食不易消化故名穿腸艸韭久酒同音說文謂長久而有辛味也吾鄉產以大邀舖村爲最良每種一次可割食數年之久漢龔遂勸民每家種韭一畦有大葱小葱羊角葱之別小葱宜生食俗云小葱拌豆腐

靜海縣志

卯集 土地部

六

靜海縣志書局
天津文竹齋印

一青二白莊子春日飲酒加葱以通五臟又龔遂勸民每人種葱五十本

秦椒 有長圓二種長者辛辣圓者稍遜而肥大蝦油醃者爲吾鄉之特產馳名各省

蒜 皮有紅白二種生熟均可食利水去毒味辛諺云蒜有百益獨不利於目水不良之地宜多食之

蒜苗 蒜苗卽蒜葉蒜毫卽蒜莖味鮮美蒜毫南省名蒜台

蒜毫 詳上

蘿蔔 有水旱兩種旱者紅白二色醃食良能作糖某書云先生姓羅名伯英字陽和清不絕俗淡不累物號曰清淡先

生

水蘿蔔 有紅綠二種紅者春種夏收綠者夏種秋收皆生食
如水果類綠色者以沙窩產良

胡蘿蔔 有紅黃二色元時來至中國小兒多食能消積西人
名來路以之熬牛肉味佳

芥菜 其根醃食良醬園售五香疙疸頭卽此

蔓菁 卽葑蕀之類詩云采葑采蕀毋遺下體根如蒜蒸食良
糝玉米或高粱粥食特佳

芥母 卽芥子麵色黃膩如脂味辛西人謂之加里西餐加里
鷄是也拌鷄絲粉皮味特佳

靜海縣志

卯集 土地部

七

靜海縣志書局
天津文竹齋印

山藥 蒸食炒食均可補品和糖食更佳其莖葉間生實名山
藥豆書名零餘子蒸食大補

山芋 有紅白二種蒸食甘美荒年可充飢其法蒸熟晒乾經
年不壞近年來發明以其製糖芋之大者前漢謂之芋魁
後漢謂之芋渠

土豆 大者如拳小者如胡桃炒食蒸食均可近多種之係重
要食品一名馬鈴薯以其作麵粉食亦佳

茄子 有紫白二種生熟均可食南省多長形吾邑係圓形
生菜 似萵苣西飯館常用之近日北平有花葉生菜

芫荽 一名香菜蘸黃酒搓癩疹易出鄴中記曰石勒諱胡改

胡荽曰香荽

茴香 味香避蠅其子能治疝病生蟲化蝶最美

菠菜 俗名青菜冬夏皆有味和平素食良

芹菜 卽魏徵所酷嗜者其莖醃食良

藕 水產蒸炒均美又一種果藕稍小生食無滓甘美爲津市

特別果品

萵苣菜 長葉圓葉二種圓葉較良西餐名曰生菜嫩葉生食

良其莖曰萵筍

菜豆角 殼細長食時連殼味清爽普通菜品蔓生架上者如

垂絲尤佳

靜海縣志

卯集 土地部

八

靜海縣志書局
天津文竹齋印

芸豆角 食如菜豆角殼短而寬生亦早

扁豆角 卽籬豆秋深味美詩云籬豆花開蟋蟀鳴

香椿 性喜淨不易生長其葉可食立夏節前香椿拌海蟹爲

吾鄉味美之一

地瓜 醃食脆美長約一二寸根生串珠形

根頭菜 食同菠菜

花椒 味辛香料要品

蘑菇 卽菌類柳蘑最佳湘省稻蘆當茶味最濃厚吾鄉有葦

蘑似可糝茶用

撇裂 根實形如芥菜色綠大而多皺皺醃食良以梗生形勢

得名

豆芽 有兩種一莖豆芽春日食利咽喉一黃豆芽除拌炒外若煮湯其味勝於鷄肉之湯

洋薑 俗名毛子薑根結實如土豆腌食良幹高六七尺秋花黃如葵而小

洋蔥 形粗短味如葱西洋種近年有種者

菜花 西來種西餐館菜花牛尾湯味頗佳形如鷄冠嫩食宜團菜 一名臺菜天津曰洋白菜四川名蓮花白本邑曰團菜春夏之交食味如白菜質堅南省多有獨根菜團聚如球形高尺餘

靜海縣志

卯集 土地部

九

靜海縣志書局
天津文竹齋印

野蔬

近人研究野菜謂有天然風味靜邑野菜可食者多不知其定名茲擇錄數種昔堯帝藜藿爲羹是也

蕨 蕨菜到處有之味苦清熟嫩時最佳津埠飯店中售價頗昂書夷齊采蕨於首陽山

馬齒菜 菜如馬齒故名到處有之食法將乾葉煮熟晒乾切碎冬日糝白菜名長壽菜味香美南省亦多產但土人不知其可食近日亦同化矣犯蟹肉

豨薟苗 蔓生花紫根可蒸食南省菜圃有之惟其花黃名曰甕菜腌食良

苜蓿 非野生花黃農家種以喂牲畜熟人亦可食南省菜圃亦有唯其花紫名曰草頭炒肉良詳見葡萄條

榆錢 可糝麵粉蒸食榆樹皮麵糝高粱米粉作條湯

季菜 俗名春初鄉人多採食之

鹽蓬菜 似蓬而短嫩時採取煮熟扎淨味和平伴食或糝米粉蒸食均可老則燒灰可出鹽結子多蓄可備荒其稍大者名城蓬菜可作城一名黃鬚菜

醋醋榴 高尺許葉大如柳有酸汁故名水浸揉爛煮食可

老鸛筋 春初採食

刺刺菜 糝麵作綠色煮食可卽葯中之大戟

落藜菜 葉有青紅二種嫩時可食其高大者可作杖此外有

與落藜菜相仿者誤食脫髮

靜海縣志

卯集 土地部

十

靜海縣志書局
天津文竹齋印

荜菜 水產有時結果名荜樓曬乾磨粉可食光緒十五年飢民多食之

王芻 俗名王二五菜高二三寸幹老晒乾磨麵可充饑生殖不常見則主歲饑

地耳 東南鄉產大雨之後地面片生如皮食之如木耳故名野枸杞 謹按枸杞生芽名枸杞頭江南菜蔬中之貴品靜邑尙不知食之味稍苦有香味炒肉佳

慈姑 水產葉三角側銳根實可食每年一株十二實若閏月則生十三實見益智圖說

桃奴 卽經冬不落者謂之桃奴開花前數日採之當茶極香

杏奴 同上
性溫補一名梟桃本艸曰梟桃在樹不落能殺百鬼

靜海縣志

卯集 土地部

十一

靜海縣志書局
天津文竹齋印

果屬

果酸爲助消化唯一之妙品市上所售無美不備靜邑土宜祇下列各種

棗 種類頗多近年有冬棗晚熟實大而脆甘美異常津市水

果佳品之一鄉人在棗初熟時以酒醃之名曰醉棗係吾鄉之特品封禪書安期生之棗大如瓜

桃 有接桃秋桃之別

杏 晚熟者良

李 李俗名牛心紅神仙傳老子生於李樹下故姓李孟子井上有李詩經投我以桃報之以李世說王戎曰道傍有李苦李也又賣李而鑽其核

葡萄 漢書西域傳大宛以葡萄爲酒大宛歲獻天馬若干匹

靜海縣志

卯集 土地部

十二

靜海縣志書局
天津文竹齋印

漢使採葡萄苜蓿種以歸天子以天馬多又大宛國使來日衆故在離宮別館種葡萄苜蓿無隙地唐詩云連年戰骨埋荒外空見葡萄入漢家

有長圓之別長者曰馬牙圓者曰貓眼運河兩岸多頗得利惜不能行遠與耐久能釀酒甘寒適口近年葡萄乾皆來自美國舊金山價頗廉以能晒乾故耐久行遠其他如蘋果橘子檸檬等皆經年不壞行銷我國我國亦有試種美種者如蘋果橘子等雖不如美品然稍能耐久吾邑葡萄不知能否改良美種也

梨 種類不一以了梨爲多香水梨最味美秋梨煮熟能治受

風咳嗽何晏九州論眞定好梨

石榴 有白紅二種甘者食品酸者入藥皮灼焦入染料染衣
不退色粒實小亦無瑪瑙紋遠遜蚌埠產

桑葚 有紅白二種產無多味甘美遠勝南省白者晒乾尤佳
能耐久行遠惜業此者少

無花果 產不多味亦不佳

蓮子 入藥補心胃

芡實 俗名鷄頭米入藥澀澀精

菱角 其米晒乾耐久行遠糝米作飯最佳形兩角生食澀遠
不如菱湖三角生食適口也

靜海縣志

卯集 土地部

十二

靜海縣志書局
天津文竹齋印

芡米 米極細小味香性補詩云憑欄十里芡荷香水地野生
特產無多

杜梨 杜樹結子蓓蕾而實小如青豆熟變黑色甘酸可食

地梨 野外根生有種二(一)猪地梨堅不能齧可以飼猪(二)
人地梨甘脆類荸薺可作粉其實能在地中多年不朽一
遇水過則生機勃發可以饒飢亦天然之特產也

櫻桃 出產無多初夏熟紅如血甘如蜜多食鼻血

枸杞果 有家植及野生二種入藥性補火近年有試行多種
者頗得利

荸薺 人工水產實小遠不如南薺種者亦少

果藕 藕之特種甘脆異常體稍小能通竅去風熱產無多果
品中最高貴者

苾屬

貨殖傳云木實曰果艸實曰蔬苾同隨音裸瓜類

西瓜 禮爲天子削瓜等語似本地小瓜江南名香瓜西瓜非
剖食之不可楚昭王渡江得萍實大如斗紅如日剖而食
之甘如蜜疑卽此物長江發源毗連西域順流一日千里
楚王當瓜熟時偶得此物也姑妄言之瓢有紅白黃三色
消夏食品之最佳者某書云西瓜古無自金主征西域得
之洪皓自燕中携歸南省爲瓜中第一品又按五代史胡
嶠始食西瓜云契丹破回紇得此種

小瓜 種類甚繁甘香適口各處有之農間消夏食品之最重
要者有菜瓜甜瓜之別南省名香瓜龍魚河圖曰瓜有兩

靜海縣志

卯集 土地部

十五

靜海縣志書局
天津文竹齋印

鼻者殺人

黃瓜 卽王瓜月令王瓜生有春秋二種生熟均可食醫云多
食則生瘡疾

打瓜 似西瓜稍小子多且大農種售子得利勝於糧米味稍
遜食之去暑較優於西瓜

南瓜 一名倭瓜熟食作菜用價頗廉

喇嘛瓜 南瓜類能經久圓形有紅綠白各色頗美觀

冬瓜 皮有白霜夏食去暑

絲瓜 可蒸食其瓢老多絲絡燒灰醫瘡

瓠子 亦瓜類作菜餚用最宜

木瓜 一名桃瓜近來形狀頗多玩品之一不能食詩云投我以木瓜

以木瓜
癩葡萄 形同江南之苦瓜苦瓜炒牛肉南省夏日食品中之美味惟是否即苦瓜吾鄉未嘗嫩食也身多疙疸嫩青色老變紅其瓢甘

葫蘆 有瓢葫蘆腰葫蘆之別葉大圓形種子蔓生花白小瓢葫蘆腹大可作瓢腰葫蘆兩腹中有細腰故名

木屬

易曰地中生木升君子以慎德積小以高大管子一年之計莫如樹穀十年之計莫如樹木百年之計莫如樹人

椿 俗名臭椿卽樗木性非年久不堅結莢名鳳眼入葯利水到處有之垂絲者頗美觀墳墓中宜植西人謂之愁柳漢

宮有柳三眠三起謂之人柳

槐 莊落中多有近日有一種洋槐較中槐生長速堅性不如

叢生能分佈三月間開白花或黃花味香淮南子老槐生久血爲燐抱朴子老槐生火人不怪

榆 崔寔四民月令曰榆莢成者收乾以爲旨蓄若變白色將

落可作爲醬隨節早晚勿失其時又養生論豆令人重榆令人眠又博物志食粉榆則眠不欲覺

靜海縣志

卯集 土地部

十七

靜海縣志書局 天津文竹齋印

白者佳其皮研粉有黏性糝高粱面作條可食其莢卽榆錢云

荆 花小如米粒粉紅色相傳不能近牛肉鯉魚誤犯食者死

枝幹皆紫色甚堅野生俗名荆條能編筐篋惜培養者少不能成大宗謹按荆花之荆樹高一二丈枝幹白色無皮

秋開粉紅花如以指甲微搔其本則全樹顫動所謂痛癢相關也故比兄弟曰荆花詩云荆樹有花兄弟樂又紫莖

花二月開花小如米粒叢聚枝幹間遍體皆花花後生葉名曰紫莖南省隨地有之

杜 墳墓中多有結子名杜梨即甘棠也木性堅細宜劓劓較

勝梨棗初生二三年接梨良霜後葉紅如楓頗美觀爾雅
杜甘棠也詩蔽芾甘棠勿剪勿伐思召公也

楊 有大葉小葉之別宜沙土斧之片片入地卽生樹身高直
年老生鱗古人謂種松皆作老龍鱗楊老亦然前年西鄉
劉姓墳墓中有大楊樹一株無故自燒

松 松鬆也其葉鬆散者爲松種類最多本邑略有刺松左傳
培塿無松柏

柏 柏迫也其葉若被壓迫而成漢高祖去柏人惡其名也產
無多

梨 木性堅能作車軸及刻字用

靜海縣志

卯集 土地部

十八

靜海縣志書局
天津文竹齋印

棗 木性堅能作車軸及刻字用

棘 卽酸棗樹不材漢書云棘枳非鸞鳳所棲是也老子云師
之所至荆棘生焉又子書棘刺之端爲母猴

桑 葉能飼蠶皮能造紙叢生者條可編筐惜產無多本州經
曰桑根旁出土上者名伏虵可治心痛又汜勝之書曰取
桑椹著水中濯洗取子陰乾之能肥田

椒 結子小粒紅色味辛香作食料

花屬

花字從艸從化草木所變化也故凡名色複雜曰花如花戶花甲等靜邑花產絕少如桂蘭梅茉莉等品花園中雖無不備然非普通家戶所有故不錄

蓮

周敦頤謂為花之君子其全體或食或藥一無棄物良可貴也近有人提議擬為國花較牡丹為宜我國人富於理想如蓮之多竅富於家族思想如蓮之根蔭不絕葉幹柔弱借水之浮持而不曲亦如我國憑借地大物博而常存於世也

菊

菊同鞠盡也花至此而盡故名詩云鞠有黃華種類極多名稱似其形狀貴丰神不貴板滯聞嗜此者言以菊之佳者混種之則其顏色形狀變化極別致現擬以為省花花皆可餐白者良茶菊能明目杭產佳當菊盛開時千紅萬

靜海縣志

卯集 土地部

十九

靜海縣志書局
天津文竹齋印

紫令人目迷必須每株簽名方引人入勝其名稱大致不外數例亦審美者所留意也以肥勝者醉楊妃白牡丹綠牡丹粉秋荷醉仙桃碧蓮以瘦勝者虎鬚松針銀絲趙飛燕以色勝者藍田玉雪裏送炭葛巾紫一品朱衣金印紫綬魏紫姚黃以丰神勝者雪花飛廻風流雪雲外飄香佛頭青以別致勝者紅瓣白點者為楓葉蘆花白瓣紅點者為落紅萬點灑金墨荷錦上添花鈎鈎以形勝者金獅子漁翁蓑玉重樓醉湘柳白龍爪鷓鴣裘其餘普通如西施舌美人曉裝綠柳纖黃舊僧衣接台繡球各以色與其形狀臨時定名惟妙惟肖

石榴花 有單雙兩種其雙瓣有開至九翻者名九翻石榴花紅艷可愛詩云五月榴花照眼明又萬綠叢中一點紅矮小者每月花名千日紅艷而不妖枝幹柔而不折靜邑極多堪以爲地方花

大麥熟 麥熟時開故名艸本蔭根隨地皆繁殖五色俱備雙瓣者尤美大如牡丹花內含蜜質最富養蜂蜂場附近宜多種之有云蜂採他花如遇毒質此花蜜能解之若然花之繁殖容易天然一富源也墻根籬下稍有隙地多種爲宜又其本老熟能漚麻可織夏布或云卽蜀葵

小麥熟 春冬俱開花紫色單瓣較大麥熟花小盆栽能經冬

靜海縣志

卯集 土地部

二十一

靜海縣志書局
天津文竹齋印

桃杏花 其目的皆在結實非玩品然在二三月間桃杏盛時亦鄉村佳景也史記桃李不言下自成蹊古詩李樹代桃僵

西番蓮 卽大麗花蔭根如芋頭形色不一大如芍藥而別致秋日開花滬上除菊花賽會外大麗花會頗多亦大觀也本地現尙無人着意

玉簪花 到處有之白色以形狀得名喜陰其根有毒可爛骨治牙痛

鳳仙花 俗名染指甲花有紅白粉各色其瓣單雙不等結子名急性子入藥其子殼將熟時稍觸卽蟻綻故名相傳能

避蛇觸其本即爛死

牽牛郎 蔓生有藍紅白黃四色本地紅藍居多子入藥名黑
白丑聞此花有重台者鑲邊者甚美尙未之見曾見有雜
色植在一處花開成旗形望之甚美

鹿角梅 俗名茉莉花南省名落日香以其傍晚開花也有紅
白黃各色易生到處有之結子如黑豆內多粉聞可製麻

醉品

丁香 有紫白二種子入藥

迎春 以迎春時開故名花黃小

長春 似迎春能經年常開

靜海縣志

卯集 土地部

二十一

靜海縣志書局
天津文竹齋印

月季 一名月月紅一月一花故名有紅白二種近有洋月季

花大味香各色皆備

刺梅 似月季春季開花多刺而艷花落生葉似榆者名榆葉
梅

葵花 花黃大如盂獨根葉常向日孔子曰葵尙能衛其足詩

云葵花向日傾子香可食南省名香瓜子又名轉西蓮本

邑售者非本地產俗云小斨紐

夜合 一名馬纓花葉似槐晝開夜合故名一名合歡

蝴蝶蘭 春花似蝶迎風舞弄翩翩欲活

碧桃 似桃而樹小有紫白單雙瓣詩云天上碧桃和露種

夾竹桃 羣芳譜淡紅嬌艷花似桃葉似竹故名其葉毒
金絲荷 葉似荷而小蔓生花金黃色清香盆栽几案間能經
年茂盛亦佳品也

洋金棗 高尺餘結果圓形大於櫻桃不可食生綠熟紅歷歷
可愛盆栽能經冬果隨落隨結不限時令艸花中之耐久
易生饒有意味者也

芍藥 又名婪尾春殿春而開故名古今注芍藥一名可離

櫻桃 卽櫻桃花產甚少日本以櫻花爲國花卽此花嬌艷可
愛結實美觀適於口不利於腹且不耐久

海棠 花譜以爲花中神仙蓓蕾艷麗遠勝桃李惟開花時短
且無香淵才一恨海棠無香

秋海棠 艸本卽斷腸花古以爲思婦淚所化一名漢宮秋
芙蓉 有艸本木本兩種木芙蓉成都最多故名芙蓉城劉禹
錫夢石曼卿爲芙蓉城主是也樹高大秋開花花大如拳
有黃白紅粉各色艸本亦妖嬌可愛本邑所謂芙蓉者非
以上二種似野花花葉板滯易生

蜀葵 似葵花小枝多每枝皆花俗名九連燈又名千葉蓮又
按晉傅元蜀葵賦序其苗似瓜瓠花紫色云則此非蜀葵
矣

木槿 卽舜華詩云有女同車顏如舜華羣芳譜云槿曰舜華

靜海縣志

卯集 土地部

二十二

靜海縣志書局
天津文竹齋印

瞬也朝開暮落僅榮一瞬之義

薔薇 卽紫薇詩云紫薇花對紫薇郎

萱艸 卽忘憂艸

石竹 本艸石竹瞿麥也入藥利水

鷄冠 各色俱有形狀如鷄冠故名西人花園密植成紋視之

如花氈甚美觀

罌粟 一名阿芙蓉其花結殼有汁名鴉片吸食有癮內含有

瑪瑙毒質故也明末由外洋流入中國現已成禁忌品其

子名米殼入藥

晚香玉 花白瓣厚向晚愈香又名夜來香清中葉來自西洋

靜海縣志

卯集 土地部

二十三

靜海縣志書局 天津文竹齋印

乾隆帝錫名

茶蘼 一類三葉青蒂紅萼香微而清爛熳可觀

薜蘿 俗名爬牆虎一名絡石籐

藤蘿 蔓質延年需架三月間開花滿庭垂垂可愛又女蘿蔓

生艸本葉細紅花小而別致卽葦蘿也詩云葦與女蘿施

於松柏本邑有兩種其葉不同花色式樣皆似

鳳尾蕉 一名美人蕉葉大似芭蕉色類頗多根生子種均可

十樣錦 高如麥艸花色繁縟故名

江西臘 類菊而花小八月開花故又名八月菊

獨角蓮 良有毒能治蝎螫神效

老少年 俗名老來少其葉春生色蒼夏漸紅至秋殷紅故又名雁來紅又一種名向陽紅秋深頂心葉紅如花甚美

玫瑰 產甚少能釀酒及薰茶

繡毬 春日開花攢聚如球故名近日有洋繡毬艸質其木質

花淡綠色者佳產甚少

蓼 紅莖秋開花粉紅色如穗宜溼地詩云紅蓼花疏水國秋

俗名了喚稽

仙人掌 肉綠多刺無枝葉俗云能護花凡花園中均有其形狀如掌故名此外各以形狀言如仙人頭仙人指仙人鞭等川湘各省有用仙人掌作籬以仙人鞭約之有趣畏凍

靜海縣志

卯集

土地部

二十四

靜海縣志書局
天津文竹齋印

故本地無甚大者年老開花一二日卽落易生割之培土卽活另有同類作扁形節長寸許節之相連節又生節每節必花以之插入仙人頭卽生至冬月在煖室可一頭干花美觀也

馬蘭 野生葉似蘭花藍色無香其葉串置窗牖間能避蠅文

安志載其根能洗痔結子如棒以漱牙疼極效

書帶草 一名鄭康成艸葉如麥苗而細長如帶清玩品也

萬年青 以其四季常青故名其葉能治咳嗽有二種葉寬者

無節中心生子如豆紅色葉窄者有節形如葶高二三尺

紫芥 葉長圓高一二尺花紫白色四瓣如十字形根生二三

月開花其葉可食幽閒之地墻根磚縫多有之
種者甚少禮記仲冬之月令民無刈藍以染又詩終朝采
藍不盈一襜孫卿子曰青出於藍而勝於藍

靜海縣志

卯集 土地部

二十五

靜海縣志書局
天津文竹齋印

草屬

讀詩可多識鳥獸艸木之名今至野外千狀萬態並其名不可知者甚多亦可慨已

棉 見前

繇麻

繇火也其性熱眼疾不可近繇地其幹燒灰存性可作

火葯旱地種有水亦能收獲農家副產之重要者葉如梧

桐高丈餘花黃小秋熟結子殼如蜂房子黑小其幹皮多

維系漚出口麻詩云東門之池可以漚麻邑境西北區出

產最富以近日洋布多麻織品故銷路廣該項布匹光澤

可愛惟不耐久稍知經濟者絕不購用風俗通曰蓬生麻

中不扶自直

大麻子

農副產之一村邊地畔皆有葉大如繇結子如葡萄

靜海縣志

卯集 土地部

二十六

靜海縣志書局
天津文竹齋印

殼多刺子如豆能作油晚秋熟即萁麻子其油久放可作

印泥西藥中用以利大腸

煙葉

以運河兩岸及多瓦礫之高地基產者其味最良西人

名淡巴菇亦曰相思艸

蘆葦

玉篇葦之未秀者為蘆本境以野生粗大者為蘆其種

植者為葦坑窪之地到處有之其用途上者織蓆次者營

造最劣者燒柴其根筍均入藥治痘疹

荻 葦之小細而幹堅者為荻可織簾本境東鄉多有之

蒲 水產其筍可食其葉可編蓆及織扇其棒皆絨絮近日行

銷外洋用途未詳往年糝碓用作引火名曰火絨近日洋

火柴盛行火絨漸少

蒼子 高二三尺結子豆大尖形多刺可作油野生鄉人多採之炒糊爲末拌糖其味與咖啡等

關東穀 一名玉穀高四五尺葉大幹徑一二寸有紅白兩種結子粘者可食與作糖

蒿 有香臭兩種香者早春生芽可釀酒名茵陳夏日作繩可避蚊餘作燒柴用

茅 即白茅夏初秀穗白色高尺許詩書爾于茅脊爾索綯因其葉綿韌可作繩其根名茅根入葯治痘疹

艾 形如菊味香可灸百病

靜海縣志

卯集 土地部

二十七

靜海縣志書局
天津文竹齋印

藜 有青莖紅莖兩種幹老作杖

菩提子 俗名卍珠子實似薏苡而形圓堅固可愛

蓬 俗名飛蓬枝幹作圓形多刺可制蝦隨風轉動離地時如輪古者見蓬轉而作車輪

蘋 萍類生水中五月花白

萍 水產無根隨風漂動本艸云係柳花所化

馬絆草 蔓生而長故名鄉人用以編笠甚雅

野茶 俗名茶葉科葉如柳赤莖高尺許近日京津各茶商買此糝次茶銷售惜無人種植故出產不多顧氏日知錄云自秦人滅蜀而後始有茗飲之事故六經無茶字至漢時

飲茶之風勝襲遂令長拔茶植桑是也

野菊 有黃白藍各種無他用亦不甚雅觀

蒺藜 蔓生地皮及道路間結實如小菱多刺蹠足傷人某書云一名旱艸天將旱則此艸先生

苔 陋室銘苔痕上階綠

三稜 葉似沙草莖三稜其下則生地梨亦有不生者

掃帚菜 俗名形如帚獨根枝茂葉細熟則可作帚

莎艸 葉長產無多可織艸鞋

回回菜 俗名其葉綠及面紅取其汁可漂布使白

老瓜飄膠 俗名蔓生葉如銀杏結角二三寸長內有子多絮

靜海縣志

卯集 土地部

二十八

靜海縣志書局
天津文竹齋印

角綻則子到處紛飛形如柳絮大似銅元隨風輪轉沾泥卽生各地皆有試斷其莖則溢白汁但不知作何用

草 師曠占曰歲欲豐甘艸先生甘艸薺也歲欲苦苦艸先生苦艸葶蘆也歲欲惡惡艸先生惡艸水藻也歲欲旱旱艸先生旱艸蒺藜也歲欲疫病艸先生病艸艾也

藥屬

祇志其名其形狀性質可參觀本艸又本艸經云上藥養命中藥養性下藥養病禮云醫不三世不服其藥又親有疾飲藥子先嘗之又俗云不藥得中醫

蒲公英 有黃紫兩種

地丁 葉似柳微細夏開紫黃花

益母艸 到處有益母膏能治婦人百病

沙院疾痢 俗名搽牛蛋

老鸛嘴 特產能治手足麻木北平同仁堂有老鸛嘴藥酒出

售

枸杞子 有家植野生兩種

車前子 一名馬前艸卽莽苣詩采采莽苣又名宜男艸

兔絲子 蔓生豆田間抱朴子兔絲之艸下有伏兔之根無此

靜海縣志

卯集 土地部

二十九

靜海縣志書局
天津文竹齋印

兔在下則絲不得生於上

急性子 卽鳳仙花子

薄荷 養生篇貓聞薄荷而醉其油敷患處能止痛

草麻子 可入西藥滑大腸

火麻仁 久服肥健延年

金銀花 卽耐冬花

酸棗

桃仁

杏仁

槐角 及槐花可製爲茶清大腸熱雲貴各省價頗昂

槐花 詳上

桑白皮 根皮須用土內者土外者有毒

椿白皮 卽椿之第二層皮

地骨皮 卽枸杞根皮

接骨艸 俗名節節艸無葉多節似不相連能治目疾

夏枯艸 冬至後生葉三四月開花結實五月枯味辛性寒醫

目痛良

蟬退 去目翳

蛇退 治驚癇療諸惡瘡

白扁豆 和中下氣

靜海縣志

卯集 土地部

三十

靜海縣志書局
天津文竹齋印

蜂房

黑白丑 紅者爲白藍者爲黑卽牽牛花子

茵陳 似蓬蒿而葉細正月始生謂之茵陳諺云正月茵陳二

月蒿土人因以浸酒

朴硝

芒硝 亦朴硝類有曰芒硝

蓮翹 蓮心蓮蓋蓮子蓮鬚

藕節 能止血

蛇牀子 葉青碎作叢每枝上有花頭百餘結同一窠子類小

茴香而小蛇常棲息其下故名

萊菔子 卽旱蘿蔔子

小茴香 治小腸疝氣

瓜蔓 去痰寬胸

地龍 卽蚯蚓清熱

斑蝥 治花柳毒

蟾酥 卽癩蝦蟆眉間白汁能治熱毒

全蠍 治小兒風熱

蝟皮 燒灰止鱗

柏子仁 能治心疾

蜂蜜 潤腸養榮衛

靜海縣志

卯集 土地部

三十一

靜海縣志書局
天津文竹齋印

桑螵蛸 卽桑樹上之螳螂子

夜明沙 卽蝙蝠矢能明目

牡蠣 蛤蚌之屬澁精

野白菜 形同白菜而小紫花搗亂能洗帖腫毒特產

金鈎如意 艸形同柳葉結子不花能治腫毒其性黏特產

伏龍肝 卽竈心土能止嘔

枸杞 近年由邑人劉藻林發明種植得利頗多

禽屬

天下將治天道南行天下將亂天道北行此邵雍夫聞鳥音而知治亂也又新學說謂人無鳥類不能生存以其能食地面或空中之害蟲故以鳥類之多寡有無可以觀地方之氣候與情況謹志之並附鳥語以為古氣候者之考証云

家畜莊子謂鷄有五德首戴冠文也足搏距武也敵至敢

鬥勇也見食相呼仁也守夜不失時信也雉者司晨雌者

生蛋農業副產之一左傳公膳日雙鷄饗人糲更之以鶩

又列子鷄師云列子鷄師為周宣王養鷄十日而問之曰

可鬥乎對曰未也方虛驕而恃氣又十日問之曰未也猶

疾視而盛氣又十日問之曰幾矣望之呆若木鷄其德全

矣他鷄無敢敵者也又呂氏春秋善學者如齊王之食鷄

必食其蹠戰國策曰夫山東諸侯之不可一猶連鷄之不

靜海縣志

卯集 土地部

三十一 靜海縣志書局
天津文竹齋印

可並棲也列仙傳祝公飼鷄皆有名字故今人呼鷄曰祝
祝左傳雄鷄自斷其尾憚為犧也異苑曰山鷄自愛其羽
毛映水則舞魏公子蒼以鏡著其前鷄鑒形而舞不止遂
乏死

鳴 家畜可呼其名生蛋可得利農業副產之一杜詩庭鳴喜

多雨鄰鷄知暮天

鵝 家畜長脰夜鳴應更守夜如犬

鴿 種類多色亦不一家畜目的賣芻及食肉蛋亦價貴各處

皆有以玩戲為目的者名香鴿俗名鶉鴿亦云鴿子

喜鵲 西京雜記乾鵲噪而行人至故俗以該鵲噪為喜故名

烏鴉 俗呼爲老呱叫則令人惡純黑而反哺者謂之慈鳥小而腹下白者不反哺俗呼山老呱春秋元命苞曰火流爲鳥烏孝鳥可知孝鳥陽精陽天之意烏在日中從天以昭孝也左傳城上有烏齊師其遁莊子鶴不浴而白烏不黔而黑

雀 一名瓦雀一名家賊因其穴屋及食糧古今注雀爲嘉賓左傳視民如子見不仁者誅之如鷹鷂之逐鳥雀也

燕 即元鳥月令玄鳥至巢於堂其巢於外屋純用泥巢深可愛者謂之巧燕俗以巢之方向卜風雨世大亂燕巢於林又有海燕多見主雨九章算術曰五雀六燕飛集衡衡適

靜海縣志

卯集 土地部

三十三

靜海縣志書局
天津文竹齋印

平一雀一燕飛而易處則雀重而燕輕

鳶 俗多老抱一名絲鷹傳言老則高翔不已遇罡風化爲游絲故名

雁 春去秋來羣飛成字形鄉人獵之月令鴻雁來賓玉篇大者鴻小者雁海內篇曰雁門山雁出其間

蝙蝠 形如鼠有肉翅能飛晚出食小蟲益鳥也其矢名夜明砂入藥月令田鼠化爲鴛卽此類按新科學屬獸類

鷓鴣 俗音那陰平聲尖音似家雀善鳴鄉人畜之土產地也竄伏小艸密茂處

鳩 野鳩似鷓鴣種類多性拙詩維鵠有巢維鳩居之漢養老

賜以杖以鳩爲飾故名曰鳩杖

黃雀 卽黃鳥白者名白玉鳥詩黃鳥黃鳥勿止於楚善鳴體
小人皆寵養之或教以啣帖卜卦名曰叨帖風土記曰六
月東南長風海魚化爲黃雀故名黃雀風焦贛易林曰無
妄之明夷曰千雀萬鳩與鷄爲仇威勢不敵爲鷹所擊
紅藍脖 其項下紅者爲紅脖藍者爲藍脖皆善鳴嗜者畜之
作玩品花色奇者價頗昂

百靈 卽百舌鳥善鳴鄉人畜之頗多易緯通卦曰百舌者反
舌鳥也能反覆其舌效百鳥之鳴

黃鸝 卽倉庚詩兩箇黃鸝鳴翠柳禮記曰仲春之月倉庚鳴

靜海縣志

卯集 土地部

三十四

靜海縣志書局
天津文竹齋印

詩春日載陽有鳴倉庚

鸛 性喜食螻蛄嘴尖細長大如鴨詩鶴鳴於垤俗名與北平之
灰鸛所謂鸛者不同

鴞鳥 卽鴞鴞長成食母不孝之鳥俗呼夜貓子因其白晝不
能視貓頭鳥身飛至人家或聞其聲者以爲不祥

鷹 有魚鷹鳥鷹之別鷲鳥也魚鷹人畜以捕魚三國志養將
軍如養鷹饑則爲用飽則揚去

啄木鳥 喙長如錐抱樹而棲啄食木間小虫宋詩南山有鳥
名曰啄木饑則喙樹暮則宿巢

鷓 水鳥喙長國策鷓蚌相持漁人得利

鷺絲 水鷄其頂上有白尾軍禮服用以飾帽名鷺絲尾洋人以重價購之我國現在恐其絕種力行保護禁止殘害詩曰振鷺于飛于彼西雝

鷺 俗名襪子諺云早早陰晚晚晴半夜鷺子不待明聞其聲以下陰晴也

天鵝 白色赤足大如鵝其油作胰子最佳肉可食

鳧 即野鴨羣飛味最佳莊子曰鳧脰雖短續之則憂鶴脰雖長斷之則悲

桑扈 俗云臘嘴詩云交交桑扈

葦乍 俗云呱呱鷄春夏在葦中善鳴其音呱呱故名

靜海縣志

卯集 土地部

三十五

靜海縣志書局
天津文竹齋印

鵠頂 頂有綠毛喜游林下

螞雀 似瓦雀而大羣飛善食螞蚱民九年蝗蝻曾爲所食但黍稷類最畏之

帶鳥 頭上披白色帶形畫者協音曰百代

水鷄 水鳥食蟲形如燕口足稍長大

鳴鳩 即布穀鳥穀雨後始鳴夏至後乃止

地呼子 色如土大如鳩喙長入地而呼聲聞數里見人則飛去

鵠鶉 似螞雀而稍大不善鳴喜鬥人畜之如鬥雞然畫家借

其音爲安居樂業圖肉最美西餐名安仁貴品也

鳥語附

以地方人之意思協其音而領會之或即以其名其鳥或借其音以寓諷獎之義於時令人情頗有關係也

布穀布穀

割麥插禾

不如歸去

脫去布褲

短工奪鋤

行不得也哥哥

凍死我

得過且過

鳳凰不如我

上山看火

提葫蘆

姑惡

春去了

情急了

泥滑滑

莫損花

靜海縣志

卯集

土地部

三十六

靜海縣志書局
天津文竹齋印

獸屬

牛 耕牛小於水牛耕牛肉食謂之黃牛肉牝曰牝牛牝曰特
牛子曰犢壯者曰犍子左傳介葛盧來朝聞牛鳴曰是生
三犧皆用之矣又牽牛以蹊人之田而奪之牛四子書犁
牛之子騂且角

馬 蒙古種牡曰兒馬牝曰騾馬子曰駒駕車耕地農用為多
王敦擊唾壺歌曰老驥伏櫪志在千里干寶晉紀駑馬戀
棧豆

列子伯樂曰方九皐相馬在牝牡驪黃之外韓子老馬識
途戰國策鹽車之驥見伯樂而悲鳴四子書驥不稱其力

靜海縣志

卯集 土地部

三十七

靜海縣志書局
天津文竹齋印

稱其德也管子駿馬可伏虎豹塞翁失馬安知非福其說
見淮南子孔叢子公孫龍有白馬非馬之說

驢 似馬耳長牡曰叫驢牝曰牝驢晉衛玠好乘之故一名曰
衛又黔省無驢

羸 駟父馬母曰羸俗名騾馬父駟母曰騶俗曰駟騾子四川
名曰特

羊 有山羊綿羊兩種山羊可作皮襪綿羊可作皮衣秋食柳
葉後肉最肥說文曰羊祥也

犬 只守夜犬及獵犬牡曰牙狗牝曰母狗大者曰獒小者曰
巴狗玩品也史記跖犬吠堯因吠非其主也

雜五行書曰犬生四子取黃子養之犬生五子取青子養之生六子取赤子養之生七子取黑子養之八子取白子養之白犬烏頭令人得財白犬黑尾令人世世乘車黑犬白耳犬主畜之令人富貴黑犬白前兩足宜子孫黃犬白尾令人世世衣冠

豬 即豕俗呼牡曰交豬牝曰母猪白毛者少野豬無易曰見

豕負塗

貓 能避鼠牡曰郎貓牝曰女貓色黑黃相兼者曰狸貓家畜以捕鼠

狐狸 大者狐小者狸夜出產無多呂氏春秋禹聖年三十未

靜海縣志

卯集 土地部

三十八

靜海縣志書局
天津文竹齋印

娶後娶塗山氏女九尾狐也

黃鼬 似鼠而大善走善食鷄其尾毫作筆曰狼毫近日其皮甚貴洋人用製裝飾品

兔 家兔色白而小其皮可製衣野兔俗名野貓灰色善逃肉可食毛可作筆韓子守株待兔又子書曰燕雀不生鳳狐兔不乳馬

鼠 俗名老鼠亦名耗子穴蟲之黠者晝伏夜動爲害居民野外者曰田鼠一名倉官善聚糧多穴孔亦害蟲也抱朴子鼠壽三百歲一百歲則色白善憑人而卜名曰仲能知一年中吉凶及千里外事

蝟 俗名刺蝟遍身剛毛如錐惟腹下無刺入藥肉可食

獾 似狗而小脚短穴居其皮製褥可禦濕治痔化油能治湯

火傷最良

大眼賊 穴田中能害苗水灌即出鼠類鼯鼠出土不活此則

出土亦能生眼大於常鼠故名

靜海縣志

卯集 土地部

三十九

靜海縣志書局
天津文竹齋印

魚屬

風俗通曰城門失火殃及池中魚舊說池中魚人名姓李因居近城門失火李燒死按百家書曰宋城門失火因汲池水水竭魚露死後說喻惡之滋并中傷良是

鯉 神農書曰鯉為魚王鱗中間數三十六某志載鯉能化兔

言之鑿鑿若然鼠化鴛雀為蛤或不誣也

鯽 形似鯉而短腹大脊隆青鯽最肥美某志載能化鼠

鱔 白青黃三色似蛇無鱗體涎沫產無多

鮎 身滑無鱗口腹俱大有鬚俗語蕨蕨菜熬鮎魚苦了大嘴

了

魴 頭銳腹扁而闊鱗細味美詩豈其食魚必河之魴薰食良

鱻 形扁似魴而長故名像形也

靜海縣志

卯集 土地部

四十

靜海縣志書局
天津文竹齋印

魴 形似刀故名肉美多刺

針魚 口上有針故名體小鍋魚味美

黃瓜魚 小魚也形似銀魚味如黃瓜故名一說黃瓜時節所

生

銀魚 色白如銀洞見腸胃味最美

桂魚 俗名季花魚滬上名桂魚黃色有黑點片片肉最細嫩

點魚 身上有刺骨二分左右甚利頭扁色黃間黑肉細嫩如

桂魚俗呼為點平聲
俗音魚

泥鰍 似鱔而短有時產最多因其狀惡人多不喜食其實補

品勝於他魚

黃花魚 海產三四月間最多卽江南之黃魚

鱠 海產四五月間最多先黃花後鱠味如長江之鱠

黑魚 無鱗俗云孝魚

金銀魚 以眼突出者爲良卽龍睛魚玩品也

髭牛 鰯魚最美體小約二寸往年價廉近日出口頗爲西人

歡迎

介屬

介甲也禮介者不拜故水族有甲者曰介

團魚 卽鱉犯馬齒菜食者少齊大旱景公欲禮河伯晏子曰不可河伯以水爲國以魚鱉爲民彼獨不欲雨乎祀之無益乃止

蟹 有海蟹河蟹二種海蟹立夏節前產肥美河蟹八九月產最多古稱無腸公子又謂橫行介士詩八月圓臍九月尖詠河蟹也

蝦 有河蝦海蝦港蝦三種海蝦與港蝦同時產俗名對蝦河蝦隨時有之有青米蝦白米蝦之別

蛤蚌螺 種類形式甚多但人多不喜食不若南省以爲食品

靜海縣志

卯集

土地部

四十二

靜海縣志書局
天津文竹齋印

大宗也貨殖傳果隋羸蛤不待賈而足圓者蛤長者蚌高而尖者螺絲滋陰去濕清熱美品也大戴禮曰十一月雉入淮爲蜃呂氏春秋月望則蚌蛤實羣陰盈月晦則蚌蛤虛羣陰缺禮記曰季冬雀入水爲蛤

龜 產小抱朴子千歲之龜五色具焉其額上兩骨起似角解人言浮出蓮葉之上或在叢蓍之下小園賦坐帳無鶴支牀有龜人睡鼻息無聲者龜息主壽古時用龜卜曰卜今已失傳背上有裂紋故曰龜裂不龜手之藥可以醫國

蟲屬

抱朴子周穆王南征一軍盡化君子為猿為鶴小人為虫為沙

蠶 吐絲作繭有黃白二色絲茶瓷中國出口貨三大宗靜邑

蠶尙在萌芽

蜂 家蜂釀蜜農業副產之一近日養蜂頗有成效此外有野

蜂馬蜂土蜂各種詳見近日養蜂專書

蛙 益蟲牛棲類俗云天鷄可食官家及知識界恒禁之故食

者少青色善鳴南北朝孔珪曰以此當兩部鼓吹又易怒

越王式怒蛙以勵三軍

蝶 益蟲種類甚多各色俱備能媒介花之雌雄相交合生果

結實

靜海縣志

卯集 土地部

四十三 靜海縣志書局

天津文竹齋印

蜻蜓 益蟲種類多有黃藍赤綠黑各色空中款款能食害蟲

蝦蟇 蛙類稍大有癩者名癩蝦蟇

蝌蚪 蛙之子初生如豆大有尾無足生食可解熱毒

蟋蟀 一名促織黑黃色雄者喜鬥秋至則鳴宋賈似道半間

堂門蟋蟀至今中秋左右鬥蟋蟀之風尙盛此外種類頗

多其吟聲亦不同皆不能鬥有一種綠色稍長大其音如

織又名紡織娘又油葫蘆似蟋蟀而大亦善鳴人有飼之

以經冬者秋深善鳴體稍小曰蛩蟋蟀又名絡緯詩云絡

緯秋啼金井闌

螳螂 俗名刀螂頭長腹大有昂首奮背之勢齊莊公曰為勇

蟲迴車避之爾正其子蟪蛄

蝓蛄 莊子蝓蛄之智在於轉丸首有三尖者名曰鐵甲將軍無尖者俗名瞎大碰別有一種小者亦轉丸多主豐年又一種小者深綠色不轉丸喜在柳條叢內甚多可炒食
螺羸 細腰土蜂也法言云螟蛉之子殫而逢螺羸祝曰類我類我久則肖之

螟蛉 綠色蟲詩螟蛉有子螺羸負之今人謂異姓子爲螟蛉
蝻 柳宗元有蝻傳小蟲名行遇物則取而負之雖困劇不止

蜘蛛 智蟲能結網捕食小蟲字說云設一面之網觸網而後

靜海縣志

卯集 土地部

四十四

靜海縣志書局
天津文竹齋印

誅之故名

蠍 尾有毒能螫人全體入藥南省無此種

蠍虎 說文在草曰蜥蜴在壁曰蝮蝮東方朔曰在壁曰守宮
陸清獻公曰俗謂之蠍虎能食蠍其涎有毒

蠅虎 古今注形如蜘蛛而小色灰白晝捕蠅

暑 小虫能飛形如蝗天暑時聚燈光下俗名曰暑

浮塵子 翅綠色浮游水上見燈光則羣集其下形如蠅而小

蟬蛸 大者曰蟬小者曰蛸詩蟬鳴槐樹間五月鳴蛸方言曰蟬楚謂之蛸宋衛曰蟪蛸陳鄭曰蜎蛸秦晉曰蟬海岱曰蛸或謂之蛸馬其小者曰麥禮又曰蟪蛸自關以東蛸

蚯蚓 一名地龍長吟地中稱爲蚓笛月令孟夏蚯蚓出能穴
土孔調和燥濕亦益虫也

蟻 大小兩種小者善鬥蟻封知雨又白蟻最壞屋樑靜邑少
抱朴子曰鷄有搏樞之雄雉有擅澤之驕蟻有兼弱之智
蜂有攻寡之計人相投御亦是耳

尺蠖 屈伸蟲也行則先屈後伸易尺蠖之曲以求伸也

蛇 俗名長蟲爬虫類頭圓者無毒尖者毒世界美味以蛇爲
最閩粵人食之去濕其膽和酒飲價最昂詩云惟虺惟蛇
女子之祥又惟虺弗摧惟蛇將若何孫子兵法有常山蛇
陣兩頭蛇見賈誼書孫叔敖埋蛇故事

靜海縣志

卯集 土地部

四十五

靜海縣志書局
天津文竹齋印

百足虫 俗名錢串子百足之虫死而不僵書名肌蛛

蝸牛 多生古壁中陰雨則出有角如牛負殼以行有涎入藥
醫痔

水牛 俗名大黑甲虫也長寸許有鬚二居士中大雨則出可
食有白點者不可食

草虫 俗名蠹蠹詩嚶嚶草虫

蚱蜢 似蝗而小又一種身長色綠頭尖名曰担担鈎食艸不
害苗可食

蠓 羣飛小虫似蚊不嚙人

蛾 虫蛹所化盲飛撲火蘇詩憐蛾不點燈故喻人之見利忘

害者曰如蛾撲火如蟻附羶符子曰不安其昧而樂其明是猶夕蛾去暗赴燈而死也

蠹 書中虫卽蠹魚詩蠹魚三食神仙字又韓子謂儒者不耕而食不織而衣謂之一蠹

水蛭 水蛭俗名扒皮能縮短身長著人身深入肌裏不可開又誤食腹中熱度不能制其死論衡云楚惠王食菹而得蛭不忍殺廚役因吞之腹痛令尹問疾王告之令尹賀曰臣聞天道無親惟德是輔王有仁德病必不傷王果愈而蛭出並宿患腹疾亦失

磕頭虫 黑色甲虫叩頭出汁主雨土人以下陰晴異苑曰有

靜海縣志

卯集 土地部

四十六

靜海縣志書局
天津文竹齋印

小虫形色如豆大兕令叩頭又兕吐血皆從所教如似稽顙故名

螢 夜飛有光亦名夜光禮記季夏之月腐草爲螢

瓢虫 俗名莊稼老大如豆圓形如覆瓢紅色有黑點

龍螭 俗名水王八長七八分蛋形在水中食水螭

害蟲

臭蟲 古名蜚世界謂之南京蟲因洋人由南京傳之歐洲也爲妨睡蟲之最者近有日本臭蟲藥粉行銷我國金錢外溢之一

蚊 爲惡水中孑子所化爲傳染與妨睡之普通者近有日本

蚊煙香甚效行銷我國金錢外溢爲數不貲焦螟巢於蚊
睫見晏子

蚤 說文爪下蟲爲蚤害睡嚙人到處有之俗名跳子除日本
臭蟲藥能避之其他無法消滅

虱 人身之微生物王猛捫虱而談動物稍大者皆有之鷄身
稍小狗身生虱如豆名曰狗豆

蠅 爲傳染害蟲之巨小而黑者爲多青色蒼色污穢所在方
有其聲可惡近年衛生局提倡捕蠅會詩曰營營青蠅止
於樊韓子曰以骨去蟻蟻愈多以魚驅蠅蠅愈至

宵小 俗名白蛉似蚊而小飛而不鳴嚙人妨睡

靜海縣志

卯集 土地部

四十七

靜海縣志書局
天津文竹齋印

蠹 似蠅而大嚙人牛身有者曰牛蠹狗身有者曰狗蠅種類
不一

蚰蜒 似蜈蚣而小有毒

害苗蟲

爾雅食苗心曰螟食葉曰蠶食節曰賊食根曰蠹

膩蟲 各種植物葉之背面羣生點點如米粒青色老則變黑
色食葉必盡葉盡則植物枯旱或有大霧則生爲害最劇
地狗子 食小苗俗名地狗子報載他縣亦常害此物

蝗蟲 自古爲害其原因（一）由於迷信如南陽卓公爲緱氏
令蝗不入境等語（二）民無團結治蝗手續某報社論如
蝗能爲害則江南人無噍類矣編者曾親見江南人民於

二月間遍山滿野各地搜尋名曰捕蝻官府亦照例年年力行督治至告肅清爲止蓋捕蝻甚易若坐視成蝗則不易治矣近日政府亦力行督治並印有各種捕蝗方法淺說等書分散各縣此後若打破迷信同心合力視蝗若仇當不至爲害也可食吾鄉多嗜之古名蝻穀梁傳曰雨蝻於宋外災不書此何書災甚也

火蜘蛛 膩蟲類麥苗或其他久旱則生

黏蟲 穀類害蟲長寸許色不一近年發明剷除黏蟲車頗有效

蟻蝻 害苗一名地蠶爾雅蟻蝻巨口大腹色白居土中

靜海縣志

卯集 土地部

四十八

靜海縣志書局
天津文竹齋印

蝻蝻 害苗短翅六足穴土而居前二足巨成鋸形月令蝻蝻鳴

貨食

民生所重莫如貨食故八政一曰食一曰貨茲曰貨食者志在貨其食而可貨者錄之

鹽

分三種一曰海鹽於濱海之地以海水灌注鹽田晒乾或煎煮而成二曰池鹽由天然低窪之地以日光之熱自結鹽花三曰井鹽於有鹵源之地鑿井或天然鹹水之井汲水煎成吾邑境內東西兩鄉所出之鹽名爲小鹽結晶甚小出於高地薄土春日經日光蒸晒地皮起一層曰城貧民煮之成鹽其味稍遜有苦味貧民食之有時犯法亦可憐矣 硝與產鹽有連帶關係

鹽爲靜邑出產大宗海濱數十里皆不毛之地民賴以生者即此惟鹽政迄無善法官鹽私鹽紛擾不休前清靜邑

靜海縣志

印裝 土地部

四十九

靜海縣志書局
天津文竹齋印

有竈民是准其以鹽爲業也現此制已除民自民鹽自鹽藉曰私民則非此不生藉曰官民則有時觸法其中究竟萬言難盡近日報載有擬請開放靜邑鹽田以寔行裕國便民者不禁心焉祝之說文云古夙沙氏始煮海爲鹽自齊管仲以鹽利國而鹽利歸國有矣

絲麻

靜邑西北鄉出產大宗近來洋布多麻織品故麻銷路廣統計每年銷售價約十萬元以上

蓆蓆 葦織蓆西鄉出產大宗每年約出十五萬領左右蓆係
白高稽織成出產稍少淮南子蓆先荏葦

冬菜 卽白菜所製物美價廉昔年以滄州所出最有名近年
靜邑陳官屯左近設有冬菜工廠十數大者數百人小者
數十人銷路極暢有葷素兩種亦地方阜民之良好現相
也

蒲蓆 獨流鎮左近出產多

蒲包 同上

草鞋 同上

蒲扇 同上

靜海縣志

卯集 土地部

五十

靜海縣志書局
天津文竹齋印

菸葉 運河兩岸產祇供本地之吸食若能合捲煙與紙烟廠
之適用亦出產大宗也

棉花 出產無多近日試種者不少謹按靜邑土宜適於種棉
有短絨棉種能變長絨之效果此後種棉定當發達

布線 孔子云一婦不織或受之寒靜邑婦女昔時多以紡織
爲業自洋布盛行抄聞軋軋之聲矣火浣布見神異經謂
係火山中之鼠毛織成若污穢以火浣之則潔矣

草帽辮 麥稽所製行銷極遠惜出產無多馬絆草草帽腰帶
頗受人歡迎

干粉 有粉條皮之別農暇時業此者多圓形粉皮頗受遠者

歡迎惟不易裝包西區出產多綠豆合紅高糧所作

酒 高粱所作卽白干始於元朝一名燒酒黍米所作者名黃酒卽元酒當是古之酒也昔儀狄酒禹惡之曰必有以酒亡其國者周公作酒誥以戒康叔又酒以成禮酒以合歡

酒麵 唐官屯鎮業此者多

醋 以獨流鎮產爲最其味與鎮江同行銷外省

鍋巴 靜邑特產綠豆製俗名先生以城內所製爲最飯館中名曰炒鴿子客皆以先嘗爲快

豆腐 無處蔑有以西鄉大堯圃所製爲最冬日經凍名凍豆腐可以致遠味亦佳近日歐美人食者頗多謂豆腐內含

靜海縣志

卯集 土地部

五十一

靜海縣志書局
天津文竹齋印

有滋養料甚當故高陽李石曾在法國業豆腐公司頗發達

醬油 有白紅二種市上或居民能製者頗多

油 有芝麻油菜油豆油落花生油蒼子油大麻子油各種平常食用以芝麻油爲最名曰香油大麻子油久放能製印泥豆油出產較多有機器製油商數處

豆餅 昔年仰給德縣一帶近年城內唐官屯子牙鎮等處設有油廠豆餅出產甚夥供給鄉農肥料

飴糖 大麥芽所製形式不一物美價廉據醫家云較舶來品各種糖塊於衛生尤宜惟夏日不易存放且裝潢不美觀

故不能在糖界占優勝亦國貨之佳品也

蜜 近日始提倡養蜂

絲 產少

炭 以柳木居多

茶 有野茶近日可售錢

農器 鐵器木器出產不敷用

豬羊毛 產量不多

草紙 麥秸製極粗作包裹用

瓜子 有西瓜子南瓜子之別西瓜子卽打瓜子名黑瓜子南

瓜子名白瓜子而黑瓜子較多此外有向陽葵子卽俗名

靜海縣志

卯集 土地部

五十二

靜海縣志書局
天津文竹齋印

小警紐出產不多

香 以城內爲鉅數

山芋 一名紅薯

落花生 產無多

土豆 近年產量漸增

蒿子餅 邑東南鄉特產其性黏能代漿糊用行銷頗遠

蒿子油 邑東鄉特產能擦機器及皮件等物其性柔滑行銷

亦廣

瓦盆 未甚精緻

磚瓦 以瘠土爲之易近城

葦簾 矮而長者名箔水淺治魚用之下箔水內以地勢水流
風向各種關係作陣形亦技能之一也
答簾 以高粱穰作成運河沿岸產行銷日本及南洋

附工業類別及家數

民營工業

酒甌

約廿家

酒麪

約十數家

醋醬坊

約卅家

糕點

約卅家

首飾樓

約十數家

染坊

約七八家

粉坊

多 冬季最

糖坊

約七八家

香店

約八九家

冬菜廠

約十數家

軋油廠

約五六家

機器麵

約三四家

農用器具

約四五家

草紙作坊

約二三家

家庭手工

葦蓆

西鄉一帶

馬絆草帽

南鄉一帶

麥稽帽辮

南鄉一帶

高粱稽篋

西鄉一帶

蒲織

靜海縣志

卯集

土地部

五十三

靜海縣志書局
天津文竹齋印

之蓆扇包鞋等

北鄉一帶

機器織圍巾洋襪等

零星少數

愛國白布

無多